

أوتار

عيسى: بدّي أوقف وأقول للكل، إنو القصة ملهاش لازمة: مش بالضرورة أنو الله موجود بالصورة اللي همه بفكروا فيها. ألي بدى أقوله ... أو اللي لازم إني أقوله إشي ثاني! إنو فش أشياء مشتركة بيني وبين هالعالم، وبين وبين حتى اللي بيعملوه.

حسين (يوجه نظرة إلى عيسى) : إنت غضبان! أحياء هيك – كيف بيفكروا فيها بتصير عيسى: مزبوط

وحسيت حالي برجع لإيام الحارة التحتا لما كنا عايشين سوا في شقة صغيرة، هو بكتب "حجر الورد" وأنا بلحن ب "كوكب آخر".

حسين: وأنا في سياتل، كنت دائماً بحب أتجول في غابة قريبة، مرات بمشي، مرات بقعد هيك أتأمل الشجر، وأفكر، لحد ما تعتم، وتبيت العصافير. البلدية هناك بتحط مقاعد عشان الناس تقعد تقرأ وتتأمل، وفي كمان حنفيات مي عشان هالعالم تشرب! سياتل بلد حلوة وفيها طاقة حياة من نوع ثاني. في هديك الفترة رجع لي إحساسي بالحياة، ووجدوى إني أعيش، إذا قررت إني أعيش. وأدركت وقتها إنه في نوعين من البشر، أشخاص يستمتعوا في الحياة، وأشخاص يستمتعوا باللي بنتنتج الحياة. إبراهيم المزين بسمي حالة " الطاقة الكامنة" هاجس! هذا الهاجس بخليني في حالة بحث دائم ومستمر، هاجس بدعيك لإنك لا يمكن إنك تغادر هالأرض بدون ما تترك أثر.

كنت عم بسمع، وكان صعب أعرف إذا كان بدو يكمل الحديث أخلص جملته، وخيم علينا الصمت مثل ضبابية سودا. طرقت الموضوع ثاني وقلت: في مناطق بداخلي بتعطي مجال للهواجس تصير معزولة عن الطقوس والامور الثانية اللي بتخليني عالية على حالي الإبداعية، حالة بتتحول فيها كل الآلات الإبداعية والطقوس اللي أنت نفسك بتبحث عنها لأشياء ثانوية، بدل ما تكون ضرورة من ضروريات وجودك وإبداعك، ورغم كل شي بنحملهم على كتافنا وبنمشي.

حسين: أكتب، أكتب عن "المنطقة".

عيسى: قاتللي أكتب عن هالقصة من قبل، بس لسة ما عندي الشعور أو الرغبة إني أحكي عن هالموضوع .. ما بعرف ليش، شو رأيك؟

حسين يضع رأسه بين يديه، كما إنه ليس هنا، ويدندن ألحان غير مفهومة!

حسين: البيانو آلة غريبة، مرت فترة حبيتها، حبيتها كثير، لكن لاحقاً تولد عندي شعور بالبرودة تجاهها. ممكن تستغرب من القصة، كثير من ناس ومعارف كانوا مقتنعين تماماً انو ما عندي أي حس موسيقي ولا بأي شكل من الأشكال، لكن أنا بعنقد أنهم كانوا يحاولوا يمرروا لداخلي شعور سلبي تجاه حالي، فأخذت الموضوع بشكل شخصي وقررت أني أثبت لهم أنهم على خطأ. وأخذت دروس البيانو، وبدأت أعزف. كثير من الناس اللي كانوا يججوا على بيتنا في سياتل، كانوا يفكروا إنو أنا عازف بيانو، وبعرف شو عم بعمل بالضبط. لدرجة إنهم كانوا يسألوني عن ملحن المقطوعات، لكونه وجودي على الآلة ميبين حقيقي! ولما كنت أقول أنو هاي كلها إرتجالا، ما كانوا يصدقوا بسهولة. وأدركت وقتها إنو الآلى بالأخير نحنا إللي بنعملها هويتها، وهويتنا. عيسى: مع أني كنت سامع منك هالقصة من قبل، بس كل ما بتحكيها من جديد، بتعلم إشي جديد عن حالي.

المشكلة يا حسين إنو عقدة "الفنان الحقيقي" عم تعمل تغريب لمفهوم الفن أصلاً، فالفنان اللي بين أقواس "حقيقي" يتعامل مع حاله إنو عبقري، وبإستمرار في تميمين لأنه الإنسان "العادي" بين أقواس مش راح يقدر يجاري أو حتى يفهم هالموضوع شيلة.

حسين فتح وجهه وقال: القصة كلها إنو قديش فيك قلب، الموضوع مهوش سرعة أصابعك على البيانو، هي نفس قصة إنو الدنيا شو إنت بتفكر فيها، لتصير كيف في تفكر فيك، ولوين بتوخذك، وقديش بتقدر الدنيا على اللي أعطتك إياه. أنا شخصياً، بشكر الحياة على اللي أعطتني إياه. أعطتني كثير، أعطتني حريتي، وصدفتي، وأعطتني فرصة أني أحس بإكتمال حتى لو متت بهاللحظة، لما بنموت، نموت كاملين."

عيسى: والفن؟

حالة

والحقيقة

حقيقتنا إحنا

والوطن
طفولة
والواقع
منطق
والإنسانية
غريزة مهجّنة

رح تقول لي إنه الإنسانية لسه ما تركت هالأرض، وإنو لسه في ورد بيكفي للكل، وفي شجر لوز يلمس قلوب الناس من جوة. رح أحمل هالقصص وأمشي، في الليل هايم مثل طفل صغير بلعب بالرمل، بخدهم لأماكن ويوخذوني لعوالم جديدة، بمشي معهم لحالي في المساء، بحمل شوية في إيدي وشوية في قلبي، وبرش الفضا أغاني، بفتش عن معاني وعن دنيا مخبية. وإننت لسه أنت ما تركت هالدنيا، لسه في الورد وفي شجر اللوز وحنون الغزال وفي الشمس، بتكفي للكل.

عيسى بولص، شيكاغو 2003